



江蘇省地方志編纂委員會辦公室 編

江蘇歷代方志全書

14



江蘇省地方志編纂委員會辦公室編



鳳凰出版社

江蘇歷代方志全書

14

江寧府部

ISBN 978-7-5506-2318-7



圖書在版編目（C I P）數據

江蘇歷代方志全書. 江寧府部 / 江蘇省地方志編纂
委員會辦公室編. — 南京：鳳凰出版社，2016.2
ISBN 978-7-5506-2318-7

I. ①江… II. ①江… III. ①江蘇省—地方志 IV.
①K295.3

中國版本圖書館CIP數據核字(2016)第006658號

- 書 名 江蘇歷代方志全書·江寧府部
編 者 江蘇省地方志編纂委員會辦公室
責 任 編 輯 王 劍 王愛榮 吳 瓊
裝 幀 設 計 姜 嵩
出 版 發 行 鳳凰出版傳媒股份有限公司
鳳凰出版社(原江蘇古籍出版社)
發行部電話025-83223462
出版社地址 南京市中央路165號,郵編:210009
出版社網址 <http://www.fhcbs.com>
經 銷 鳳凰出版傳媒股份有限公司
印 刷 揚州文津閣古籍印務有限公司
揚州市開發區鴻揚路22-2號(6幢),郵編:211153
開 本 889×1194毫米 1/16
印 張 1151
版 次 2016年2月第1版 2016年2月第1次印刷
標 準 書 號 ISBN 978-7-5506-2318-7
定 價 21600.00圓(全二十七冊)
(本書凡印裝錯誤可向承印廠調換,電話:0514-87969255)

乾隆上元縣志



(清) 藍應襲 纂修
(清) 何夢篆 纂
程廷祚 纂

《乾隆上元縣志》二十七卷首一卷末一卷，清藍應襲修，何夢篆、程廷祚纂。

應襲，清廣東大埔人，舉人，曾任上元知縣。夢篆字賡墀，一字耕遲，號退夫，先世蜀人，曾祖占籍金陵，遂爲邑人。康熙五十九年（一七二〇）舉人，雍正元年（一七二三）進士，曾任廣東新安縣知縣。著有《思無邪齋文集》十卷《詩集》四卷。廷祚原名默，字啓生，號綿莊，晚年自號青溪居士。歙縣籍，上元（今南京）人。乾隆初以諸生召試博學鴻詞科未入等，從此不應鄉舉，閉戶窮經。治學主張實用，反對墨守成規，甚至非議程朱理學。著述甚豐，有《大易擇言》《易通》《尚書通議》《魯論語》《春秋識小錄》《禮說》《青溪詩說》《詩文集》等三十餘種，並曾於雍正九年與修《江南通志》。於方志理論頗有研究，撰有《修一統志議》《與袁明府論修志書》《江南通志沿革總表序》等。

自康熙二十三年（一六八四）至乾隆前期，康熙、乾隆帝數次南巡，有關地方官爲備掌故、借應答，特別注意編修地方志。乾隆十四年（一七四九），有司檄修邑志，應襲遂開館於草堂橋之上乘庵，延夢篆、廷祚主其事，歷七月稿成付刻，至乾隆十六年歲事。

卷首國朝蠲賜恩紀、聖祖南巡恩紀，今上皇帝南巡恩紀；正文二十七卷，分立天官、輿地、官守、民賦、學校、祠祀、古迹、人物八志及選舉表；卷末撫佚。較《康熙上元縣志》省《圖說》《建置志》《五行志》等，增設《天官》。各志開篇均有小序，闡明編纂宗旨，文中論辨考訂，則隨條附入。《民賦》按乾隆九年朝廷所頒《賦役全書》程式，逐項臚列，條分縷析，編叙簡明。《藝文》輕「四十八景」之類應景詩，重有關地方利病、古今得失之作。南京自南唐改築城垣，青溪斷流，朱明大建都城，水道遷徙，乾隆時湮塞日盛，疏浚維艱，書中於此記述尤詳。志書於列女歷來連篇累牘，不憚其煩，此編獨以之附於人物，足見執筆者不同尋常的見識。但節婦却又收錄在世者，破壞了生不立傳的成例。

有清乾隆十六年（一七五二）刻本，清鈔本。本次出版，以乾隆十六年原刻本爲底本影印。

（吳德仁）

第十四冊目錄

乾隆上元縣志

.....

〇〇一

上元縣志

上元縣志



序

從來志書家合縣而為郡合
郡而為省則縣志實其族輟
職詳之與職要殊科也又况
天下雄藩以金陵為甲而金

陵屬邑又以上元為窠自六
代南唐以迄前明咸為京輦
其形勝區宇之廣人物材產
之夥禮樂政事之繁建置沿
革之蹟不可殫書如欲網羅

搜輯綜核靡遺憂乎難之然

自

本朝設省大臣駐節恭逢

聖祖仁皇帝六次南巡

翠華蒞止

宸翰金章炳丹青而昭金石者

所在皆是茲又恭逢我

皇上繼志述事定於今年春

鑾輅親臨採風察俗凡以脩掌

故而供酬荅者端有藉夫縣

志於是上元令藍君克勤其
職修舉廢墜樂事勸功既已
晷刻不遑而又出其游刃之
智抒夫製錦之才博叅載記
招集文儒排編新志始事於

序三

庚午之春歲事於嘉平之末
以予忝備觀察書成亟來請
序予細加繙閱見其條理井
然考訂精確門類具舉踈畧
無虞將後之徵文考獻者必

有取於斯焉爰樂得而弁其
簡端云

嘗

乾隆十六年辛未孟春之吉
賜進士出身整飭江南通省驛

序四

傳鹽法兼巡江寧道紀錄四
十二次關中周承勅撰



序

客秋余攝郡篆會上元
令藍君重脩邑志開局
草堂橋畔延二三紳士
相與考文徵獻越七月

而書成彙帙送閱而請
序於余夫志猶史也周
禮外史掌四方之志以
上之於王春秋時列國
皆有史左邱明據當世

時事佐傳以與麟經相
比附他如晉之董狐楚
之倚相弼稱良史沼及
兩漢司馬遷承公談太
史之職創為紀表書傳

為史家體例班固易八
書為志猶曰志固史之
一體耳至陳壽紀三國
則統名之為志而編者
列於二十一史之目然

則志與史固名異而實同也雖一邑所載較郡國為簡省而星野疆域山川名勝沿革事蹟以及官師選舉人物藝文

之屬條分縷析殊非易易況上元為會城首邑歷朝建設都社猶存經羅遺文不可勝述我國朝重熙累洽景運日隆

治化茂騰人文蔚起即此百餘年內標舉盛美卓尔不羣若無健筆鴻裁安能撰次至當以與前志爭駕而藍君毅然

任之採之博擇之精敘之詳核之實高文典冊直與列朝信史相為輝映而有光舊乘又不待言已夫君子之經世也

務其速者大者賈誼曰
俗吏之所為在乎刀筆
筐篋而不知大體以此
見藍君志在遠大吏事
本於經術豈百里才所

易幾及者哉抑余更有
慶焉今歲春月

聖天子翠華南幸方將駐蹕
上色流覽雄區憑山控
江俯仰今古而是志屆

期告竣足以表圖經而
脩掌故此實千載一時
之嘉會不可不恭誌之
以昭示來茲也是為序
乾隆十六年歲次辛未

孟春之吉署江寧府知
府事理事同知長白蘇
凌阿撰



序

乾隆己巳之冬

制府大人黃公檄兩江脩邑志
將以曰天察地體國經野求
斟酌損益之宜折衷掌故昭
示來茲甚盛舉也襲承乏上

元任劇事煩蚤夜淬厲深慮
弗克負荷甫三月而檄適至
爰稽邑乘修於康熙己亥閱
今三十有二年無論棗梨剝
蝕殘缺貽譏即都人士女涵
育於

聖化之深者月異而歲不同不為

表彰浸以湮沒及今不脩實
切奉職無能之懼而會城紳
士咸願醵金以佐余之不逮
深嘉其同志之多也用是開
館草堂橋之上乘庵簿書之

暇偕何君夢篆退夫暨二三
博士弟子居今稽古審異致
同覃乃精力不敢告勞閱七
月而書成余惟志之作始於
春秋時列國晉之董狐楚之
左史倚相其作者也漢司馬

遷史記創為紀表書傳體例
一新班孟堅易八書為天官
禮樂等志則又志之濫觴也
國朝康熙中各直省督撫纂脩
通志上之政府以大一統而
昭無外矣顧念上古禹貢

揚州之域分野在星紀之次
田賦厥土為塗泥而世凡數
變明初官田免租民田減租
之半正嘉之季勸借頻仍里
甲坊廂為害滋甚藉非條編
法立其何以瘳田制既定學

校聿興應天省縣入府
國朝增置兩縣學追封崇祀典
禮攸隆選舉遞廣解額科貢
之外薦舉兼行自是而人物
出矣詳分品類首祠賢曰其
生之賢而祠之祀之也次邑

獻鄉先生沒而祭於社也又
次宦籍曰其宦遊而占籍焉
又次治績邑之人筮仕他郡
邑而賢且能者也至如文學
忠節孝友義行世教克端凡
民興行惟民有四藝術其一

而方外亦於教之外覘盛衰也藝文聖賢之心胸散見於學士大夫之口則以據佚終焉若乃揚賜蠲之恩澤發喬翕之光華恭載首卷竊比于史記漢書之帝紀余愧不能

序五

文至於叅稽考訂信今傳後或可脩採風問俗之一助云爾

乾隆十六年歲次辛未孟春之吉知上元縣事韓江藍應襲謨



後序

明代上元縣志終於程公三省而邑人李登載筆焉當是時條編法雖行而邑之坊廂里甲諸弊枝蔓未除作志者其有憂患乎我

國家龍飛景運督撫大吏勤宣令德以達下情守土之長砥礪廉隅噢咻百姓前令遂寧唐公哀然創始焚篆曾贊一詞

後序一

今藍侯以孝廉文吏膺

天子簡命而來興賢育才體國經野汲汲謀所以修縣志者會城紳士亦遂嚮風慕義爭先俛助以請於

列憲篆用是不獲辭七閱月書成越明年

翠華南幸外史呈一方之志於山川見扶輿之清淑於風土見士女之淳龐於上下古今忠臣良吏義夫節婦沐浴於大順

大化者見貞元之會合而從事耳筆之

臣潤色休明鼓吹大業以視昔之人感

遇流連廢書三歎其人代之榮悴時事

之迫舒相去爲何如也抑又因之有念

矣篆先世蜀人白曾王父侍御占籍金

陵邑之有志一再修焉知罪付之不問

獨是通籍後承乏嶺南較坡公七年來

徃不啻倍之顧以新安海隅僻陋文獻

後居一

無徵會不得討邑乘而蒐輯焉聞 藍

侯之風其亦重白愧也已

乾隆十五年嘉平月

賜進士出身內府中書科中書舍人前知

廣東新安縣事邑人何夢篆序時年七

十有八



上元縣志舊序

我聖祖高皇帝受天明命奄有四海天下既平乃定鼎於南畿首設郡邑以固羣黎而應天寔爲首郡上元實爲首邑迄今百五十餘年禮樂制度典章風化赫然盛備且天下藩郡州邑莫不有志以紀一方形勝人物風俗而應天上元爲天下首郡邑而志尚未修舉誠有司之缺典也訪之前輩尹京兆者逕逕常有志於此屢興而屢止竟弗克就議者以爲應天在都城之內朝廷宮闕宗社在焉未敢輕爲言述故遲遲至今近歲毘陵白尹圻嘉定龔尹弘何陰許丞庭

上元縣志

序

光前後而來皆以此事爲急務而欲舉行且以朝廷頒行大明一統志爲可依據乃託鄉彥徐霖張宏陳沂管景輩五七人設局於府庠後堂編輯餘歲稿再脫又各以轉陞去任而卒不能成其美今山西寇丞天敘來治應天適朝廷有旨取應天府志乃取昔日纂修將成之稿仍託霖等重加修飾成集進上惟時平定白尹思齊膺薦來宰上元下車之初聞府志旣成乃不遑寧處以景嘗與修志遂延至公所披撿前圖史文冊尋訪古今事蹟編輯數月將稿適遇今上親率六師用討不庭駕留南都百官有司奔馳奉迎

營辦軍需夙夜無休息之時而斯事又且停止餘十日罪人斯得王師奏凱聖駕北上始得休暇乃取編輯前稿重加訂正命工繕梓自尹以某爲邑人知事頗悉微予序諸首余不能以老髦辭乃取其已成之集而閱之其類有十一曰圖表二曰疆域三曰山川四曰建置五曰版籍六曰祠宇七曰宮室八曰古蹟九曰紀錄十曰撫遺率遵程式不敢加私智於其間其用舍取予亦皆遵府志已成之集而爲之未嘗有所更易誠足以備一邑之所未備也志旣成余何敢置喙於其間唯述志之已成未成之顛末如此將俟

二元縣志

序

二

搽國史之柄者採焉

正德辛巳春正月望日按察副使沈庠撰

後序

金陵今爲應天府大京在焉上元爲府首縣正德戊寅思齊領部檄來知縣事惶懼謏薄不堪因而圖覓縣志欲豫詰其風土民俗泊前令宣績可法者博訪無所得比至任始知縣舊無志適府有修志之舉竊自喜曰府志畢縣志其易成乎明年庚辰伏遇皇上南征逆藩駐蹕金陵有司以職事奔匍倥傯無晷刻暇息奚以鉛槧爲哉及其渠魁授縛六師凱還又有旨取郡邑之志臣工莫不鼓舞觀呼咸謂優武修文聖君御世之道天下其有幸矣思齊尤私喜其縣今

二元縣志

序

三

有志也卽延府庠生管景於邑稔知其雅博故託焉旬再浹而志成志成可喜也又慮其公帑空竭刻資無出遂倡同寅各捐奉薪以協贊乃成志已刻可喜也或者有言上元江寧並峙京都市多互錯宜慎事毋徒作木之殃思齊聞之猶豫亟取成集再加檢閱其發凡舉例悉遵一統志式而地界因革亦皆有據不謬且知邑之官增品秩民減賦租皆我聖祖加惠赤縣而然誠異典也他如里社有學卽三王小學之制養濟有院卽岐周惠鮮之仁並歷歲遠廢弛正思齊講求而未得者今志悉著之其爲有益於縣也固